

اعتصام

۱۰ ربیع الاول سنه ۱۳۳۸

۴ ثانویہ اول سنه ۱۳۳۵

{ منافع عامیہ خادم، مجموعہ اسلامیہ در }

رسم و صورت حقنہ کی سوالہ جواب

احمد شیرانی

ارادہ جزئیہ حقنہ بعض مطالعات

حافظ عبداللہ

نماز دینک دیر کیدر

محمد امین

بخارادہ علم و علما

طاہر المولوی

دارالشفق الاسلامیہ

محمد باقی

سؤ اخلاق

علی رضا

قرآن کریم ندر ؟

محمد فوزی

نجل اداره : فاتح - اعتصام

فیثان (۵) غروشدہ

۱۳۳۶

« نماز » دینک دیر کیدر

حق حیاتہ مالک اولان هر ملت ؛ و لوکه مدنیتک بالاسنه چیقسهده مطلقه اقوای مادیه یه دستک و اونکله توأم اولان معنوی احتیاجاتی تأمین ایتمک ایچون بر دینه منتسب اولق مجبوریتندهر . بو قاعده عمومیهدن خارج قالمش بر ملت و بر دولت یوقدر . قوللرک الله ذالجلاله قارشو وظیفه عبودیتلرینی یابه بیلملری ایچون تعقیب ایدمه جکلیری یول مشعرینی ، « دین » دیو تالق و قبول ایدرسهک شبهه سز که الهی و اوامر الهی بی، سنن پیغمبری بی ، خلاصه وظیفه عبودیتی ایفا ایدمه بیلمک ایچون تعقیب ایدیله جک اک امین و کسیرمه یولی بتون ادله قطعیه ایله تعریف و تبلیغ ایدن اک صوک ، اک یکی ، اک معقول اولان دین ؛ اسلام دینیدر . انتسابیله مشرف اولدیغمز بو دین ؛ کندندن اول اجرای عمل ایدیان والیوم تمامیه خرافاندن عبارت اولان ادیان سائرتهک احکامنی قطعیتله ابطال ایتمشدر . هر صنعتک اربابی ، هر مسلمانک متخصیصی اولق ایچون بوزله متعلق بر طاقم قواعد و شرائطی بیلمک ، او کریمک و احکامیه عمل ایتمک ایجاب ابتدیی کی دین مبین احمدی بی قبول ایدن بر انسانک ده نام سلمان اوله بیلمه سی ایچون اول امرده ، (نماز ، اوروج ، حج ، ذکاة ، کلمه شهادت) دنیان بش شیئی بیلمه سی و یا پیغمه سی لازم کلور .

بونلردن « الصلاة » حدیث شریفله دینک دیرکی اوله رق نمازی اشارت بیوردان پیغمه برمن ، افندمن حضر تلری اولا بو شرطک ایفاسنی امر بو یور بورلر . بر اقامتگاه پیغمه تشبث ایدن بر انسان بنانک متین اولمه سی ایچون نسل که ابتدا تمل قازمغه و قالبن تمل دیرکی قومغه فوق الماده اهمیت ویرسه اوامر دینیه موافق اوله رق تام بر مسلمان اولمه هنم ایدن بر انسانده ایلاک دفعه نمازله دین بناسنک تملنی آتمغه مجبوردر ، تمل دیرکسز بر بنا جزئی بر تاثیرله محکوم انهدام اولدیگی کی اساسی اهل ایدلمش بر دینده بالطبع محکوم زوالدر . بو خصوص بو قدر قطعیتله امر ایدلمش ایکن مع التأسف اک چوق مسامحه ایدیانده ینه بودر . عمرنده آلی

سجده کورمديکي حلاله رمضانده اوروج طوتان ، سياحت مقصديه فريضة جی
ایضا بدن ، ثلثه شهادتی آرەصرە ديلنده دولاشديران و بلکهده بر مقدار صدقه
ویرن بعض انسانلرک موجود اولدیفنه برچوق دفعه لر شاهد اولورز . فقط بونلر
کلاهنر دوریشه ، طوزسنر چوربايه ، قلبسنر وجوده بکزرلر .

مادونلری نماز خصوصنده مسامحه ايتديکي تقدیرده اولنره تنبيه و تکدير وحتی
داياق آتمه غی بیله ، هر عائله رئیسنه ، مکتب مدیرینه ، قطعه آمرینه قطعیتله امر
ایدن دین مبین اسلام کوز اوکنده ایکن ، « اولرده ، مکتبلرده ، نماز امر
وجدانیدر . بناء علیه اداسی مجبوری دکدر » دیلهرک رمضانده اوروج یین بر
چوجق ، بر طلبه و بر عسکرک تجزیه ایدلمديکي هر کون کوردیکمز و ایشتنیکمز
شیلدر .

« النظافة » حدیث شریفک مدلولنی بز مسلمانلردن دهایی آ کلایوب
هر کون متعدد دفعه لر بانیو « یابان غیر مسلماری کوردکده نصکره ؛ کونده بش دفعه
اک مهم اعضانک ییقامه سنه سبب اولان نمازه قارشى کوستیلن لاقیدیدن دولانی ؛
دنیاده انسانلر آرەسنه قاریشه حق بر تمیزلکه ، آخرتدهده حضوراللهه چیقهبیله حاک
بر اوصافه مالک دکلز . بیقلری کسیک ، ال طرناقلری جیلالی ، قفا صاچلری طرا-
اتمش اولدیفنی حلاله وجودی پیس قیللرله دولو ، آیاقلری لش کبی قوقان انسانلر
هر وقت کوزمنک او کندهدر .

معقول اسباب ماده و معنویه کوستره رک برکسه یی ولوکه جبراً دخی اولسه بر
ایشه دعوت هر وقت مطلقا ائی نتیجه ویرمشدر . چونکه باشنده بو مجبوری
کورن بر انسان ایرکیچ بوندن قورتولق ایچون کندينی دعوت ایدیان بو ایشه
آلشديره جقدر بناء علیه الیوم پک مسامحه ایدیان یو فريضةنک ایفا سننده ، عائله
رئیسلری ، مکتب مدیرلری ، قطعه قوماندانلری مادونلری بو مجبوریت قارشوسنده
لونديرلرله ؛ هم شرائط اسلامیهنک اک مهمنی ایفا وهمده دائماً قلبی حضوراللهه
مربوط پک تمیز مکمل انسانلری جمعیت بشریه اداخل ایتمش اولورلر .

محمد امین